

Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija

Prinijet:	29. 10. 2001	
Org. jed.	1. ODRŽANJE	Jednost
02/1-011-646/01		

Broj: 02/1-011-646/01
Sarajevo: 18.10.2001.godine.

Z A P I S N I K

sa jedanaeste Radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 18.10.2001.godine.

Sjednica je počela sa radom u 10: 00 sati.

Sjednici su prisustvovali članovi komisije: Ibrahim Spahić, Šefik Džaferović, Niko Sušac, Dragutin Rodić, Nikola Špirić, Ivo Živković.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Pored članova komisije sjednici je prisustvovao Sekretar Ustavno-pravne komisije Aljoša Čampara i Savjetnik ministra za civilne poslove i komunikacije u Vijeću ministara BiH.

Za sjednicu je predložen i usvojen sljedeći

D N E V N I R E D :

1. Usvajanje zapisnika sa 10. sjednice Ustavno-pravne komisije Doma naroda ;
2. Prijedlog zakona o pravobranilaštvu BiH;
3. Prijedlog zakona o registraciji pravnih lica osnovanih od institucija vlasti BiH;
4. Prijedlog zakona o upravnim sporovima BiH;
5. Prijedlog Odluke o utvrđivanju statusa zgrade i zemljišta u Sarajevu, u ulici Maršala Tita 16 i Odluke o utvrđivanju statusa reprezentativnog kompleksa - Konak - u Sarajevu, u ulici Bistrik 6;
6. Prijedlog zakona o izmjenama i dopunama zakona o izvršenju Budžeta institucija BiH i međunarodnih obaveza BiH za 2001.godinu;
7. Prijedlog rebalansa Budžeta institucija BiH i međunarodnih obaveza BiH za 2001.godinu.
8. Nacrt zakona o deminiranju u BiH;
9. Nacrt zakona o državnoj službi u institucijama vlasti Bosne i Hercegovine;
10. Prijedlog zakona o zaštiti potrošača u BiH;
11. Prijedlog zakona o industriskom vlasništvu u BiH; -
12. Prijedlog zakona o autorskom pravu i drugim srodnim pravima u BiH;
13. Prijedlog zakona o izmjenama i dopunama zakona o carinskoj tarifi BiH;
14. Prijedlog carinske tarife BiH;
15. Tekuća pitanja.

Ad.1. Usvajanje zapisnika sa 10. sjednice Ustavno-pravne komisije Doma naroda

Zapisnik sa 10. sjednice Ustavno-pravne komisije Doma naroda Parlamentarne skupštine BiH usvojen je jednoglasno uz primjedbu Nikole Špirića da se u zapisnik unese i konstatuje da je u Ad.2. pod ATP "Udarnik" potrbno unijeti da je komisija zaključila da je bilo povrede ljudskih prava od strane SFORa.

Ad.2. Prijedlog zakona o pravobranilaštvu BiH

U raspravi o ovoj tački dnevnog reda učestvovali su Nikola Špirić i Šefik Džaferović. Amandmane su podnijeli Nikola Špirić i Momčilo Novaković. Ustavno-pravna komisija je razmatrajući tekst zakona i amandmane usvojila amandman delegata Nikole Špirića kojim je postao sastavni dio teksta Prijedloga zakona i koji glasi: U članu 3. dodaje se novi stav koji glasi: "Prilikom izbora Pravobranioca, zamjenika i pomoćnika vodiće se računa o ravnomjernoj zastupljenosti konstitutivnih naroda BiH. Funkcija Pravobranioca podliježe rotaciji između pravobranioca i dva zamjenika imenovana iz reda konstitutivnih naroda, u jednakim vremenskim intervalima tokom trajanja mandata.", te ga šalje Domu naroda u dalju proceduru.

Ad.3. Prijedlog zakona o registraciji pravnih lica osnovanih od institucija vlasti BiH

U raspravi o ovoj tački dnevnog reda učestvovali su svi članovi komisije koji su jednoglasno donijeli odluku na prijedlog Vijeća ministara BiH da se iz naslova i iz teksta zakona briše riječ "vlasti". Zatim je amandmane na tekst zakona uložio delegat Nikola Špirić koji su odbijeni i komisija šalje tekst zakona onakav kakav je dostavljen od Vijeća ministara BiH u dalju proceduru.

Ad.4. Prijedlog zakona o upravnim sporovima BiH

Amandman na zakon o upravnim sporovima BiH uložio je delegat Nikola Špirić. Sa četiri glasa protiv i dva glasa za amandman nije dobio potrebnu većinu i odbijen je. Članovi komisije su zaključili sa četiri glasa Za i dva glasa protiv (Špirić, Rodić) da tekst zakona ide u dalju proceduru u skladu sa Poslovníkom Doma naroda Parlamentarne skupštine BiH.

Ad.5. Prijedlog Odluke o utvrđivanju statusa zgrade i zemljišta u Sarajevu, u ulici Maršala Tita 16 i Odluke o utvrđivanju statusa reprezentativnog kompleksa - Konak - u Sarajevu, u ulici Bistrik 6

Članovi Ustavno-pravne komisije su jednoglasno zaključili da se iz teksta Odluke gdje stoji zajedničke institucije BiH, briše riječ "Zajedničke" i da u tekstu stoji samo institucije BiH. Komisija je mišljenja da Dom naroda treba usvojiti Odluku i šalje je u dalju proceduru.

Ad.6. - 14.

U skladu sa članom 78.2 i članom 79.1. Poslovníka Doma naroda komisija je raspravljala da li su tekstovi zakona u skladu sa Ustavom BiH i zaključila da su svi u skladu sa Ustavom BiH i da postoji ustavno-pravni osnov za njihovo donošenje. Prilikom glasanja

pod tačkama 10, 11, 12 članovi komisije Špirić i Rodić bili su protiv a ostali članovi komisije, njih četiri bili su za.

Ad.15. Tekuća pitanja

Pitanja nije bilo

Sjednica je završila sa radom u 14:00 sati

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Ibrahim Spahić s.r.